



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres**

**Tylkowski, Wojciech**

**Oliva, 1686**

VII. Beatam dicit Virginem Elias, Jsaias, Jeremias. Quia illa est Scopus  
suarum Prophetiarum.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

est Virga Aaron per Spiritum S. efflorescens. Cùm vidisset Moyſes subitò effloruisse virgam amygdalinam, & cum turgentibus geminis fructus attulisse, firmiter credebat, inquit *Greg. Niss. lib. de vita Moysi*, quòd hoc miraculo sacerdos monstraretur. Nobis Maria Virgo summum Sacerdotem protulit. De eadem Virga *Bonav. spec. cap. 12.* In Virga Mariæ rectitudo, in flore corporis gloriosi pulchritudo, in fructu animæ ejus beatitudo figurantur. Virga hæc est Virga clementiæ. Cùm Gedeon juxta monitum Angeli *Judic. 21.* supra Petram carnes & azymos panes posuisset, Angelus summitate suæ virgæ tetigit holocaustum, ignis ascendit de petra & carnes azymosque panes consumpsit. Quo signo gratum Deo sacrificium Gedeonis significabatur, & simul futura victoria promittebatur. Nostra quæ offerimus Deo non erunt grata nisi manibus contingantur Virginis. Idem Gedeon extendit Vellus quod Virginem significabat, & factum est plenum rore cùm reliqua remaneret tellus sicca. Et postquam Vellus est impletum rore etiam terra cœpit conspergi. Virgo etiam non solum sibi sed & nobis gratias coelestes attulit.

7. Beatam dicit Virginem Elias, Isaias, Jeremias.  
Quia illa est Scopus suarum Prophetiarum.

Quo Elias curru in cœlum subvectus, illo Virginem professus videri potest Currum sui ac peccatorum. *Joan: Geom: hymn: de B. V.* vocat S. Virginem Currum Eliæ rapidis virtutum quadrigis subvectum. Currus Eliæ totus ignitus ac ignis. Virgo per vehiculum Salomonis *Cant. 3.* depicta est, de quo ibi dicitur, illud de lignis factum Libani medium autem ejus charitate constratum, seu ut *legi: Hebr.* medium constravit carbone ignito. Isaias hinc Angelorum choros trifagium concinnentium audivit. *Isai 6.* Hinc videt disponentem Deum ut se mitteret Prophetam. Et ecce unus de Seraphim defert forcipe carbonem de altari quo ejus labia perpurget. Carbo iste consensu interpretum designat Christum, qui carnem Divinitate veluti ignis lignum animaturus erat. Mater Christi, ait *Methodius orat. de hypop.* Forceps erat carbunculi purgatorii. Purganda erant Prophetæ labia, nullus Angelorum ausus manu accipere carbonem, quia Christus ad nos purgandos non nisi per Virginem constituit venire. Et forceps quidem ille soli Seraphicæ manui patebat, ac Virgo omnibus. *Joan. Brustman Minorita in vita S. Lydvine scripsit.* Quòd cùm hæc Sancta triginta annorum Martyriam varijs vexata morbis subjicit, dicitur primis annis inter prima malorum tenta-

menta

menta & patientiæ rudimenta non nihil animo mutasse, atque absolvi se à quotidiano tormento petiisse. Verùm ubi apprensus Dominus ei vulnera sua appressit (*En Carbo* amore incensus. Virgo autem Mater eidem Dominicæ passionis signa, osculis signanda obtulit. (*En Forceps*.) Alia in alia verba est desideria ut non solum usitatis morborum malleis subduci se voluerit in eadem, sed quidquid infirmitas hominum pati potest in se venire optaret. (*En labia mundata*.) Eva pomum vitæ infecit labia: Maria suo Fructu benedicto repurgavit.

Idem Propheta ingressus sancta sanctorum, vidit quendam montem in montium vertice hæc. præparari. *Erit in novissimis diebus preparatus mons domus Domini in vertice montium, & fluent ad eum omnes gentes.* Greg. in 1. Reg. 1. Mons in vertice montium est B. Virgo. Quia ò Virgo ait Aug. serm. de Assumpt. B. V. ubi posuit Rex Filius tuus quod ex te suscepit, ibi te posuit Reginam de qua illud sumpsit: hoc est, supra omnes choros Angelorum Virginem collocavit, ubi ipse est secundum humanitatem. In vertice montium Virgo; quia prior redemptione. Bern. serm. de Assumpt. ita Christum loquentem Mari inducit. Pro amore ò Mater carnem sumpsi, & vulneribus primis vulnerasti in cruce cor meum. Eius 3. Reg. 18. dum quærit ex puero quid videret, audivit. *Ecce nubecula parvula quasi vestigium hominis ascendeat à mari.* Joan. Jerosolimit. de instit. Monach. c. 31. Virgo est Nubecula parvula, dulcis & pura, quasi vestigium hominis de falsissimo & inquinatissimo mari orta. Ascendit Nubecula Virgo sed sine falsedine, minimum in ea fuit hominis & quasi vestigium, debitum enim solum habuit peccati originalis non peccatum. Sed clarissime prædicat Virginem c. 7. dum canit. *Virgo concipiet & pariet Filium, & vocabitur nomen ejus Emmanuel.* Tria hæc in summo, Virgo manens Virgo fiet Mater, non de foris sed de suo sanguine concepta. Quod nobiscum hic Filius mansurus, & Deum in terris habituri sumus, si solum impotibilem nobis protulisset quâ gratiâ fuisset digna? si solum semel videndum protulisset? sed Apoc. 21. *Ipse populus ejus erunt, & ipse Deus eris cum eis eorum Deus. Et absterget Deus omnem lacrymam ab oculis eorum.* Quod etiam in terris implet modo spirituali. Jeremias verò sic Beatam dicit Virginem cap. 31. *Creavit Dominus novum super terram, Foemina circumdabit virum.* Virum cepit utero Foemina. Aug. serm. 18. de SS. O Foemina super foeminas benedicta, virum omnino non novit à utero suo virum circumdedit. Quem virum? Bern. hom. 2. super Missus. Vir erat Jesus necdum etiam natus sed sapientiâ: non ætate, animi vigore, non viribus corporis, maturitate sensuum, non corpulentia membrorum. Creavit Dominus. Quia Virgo se reduxit humilitate ad nihilum, ex hoc nihilo creavit, ex nihilo Virgo protulit Creatorem.

g. Beata